

《佛說阿彌陀經要解》 補充講表

◎附表十一：糅合《彌陀經要解講義》、《彌陀經要解親聞記》、《阿彌陀經要釋》

○今云：「極樂世界」，正指同居淨土，亦即橫具上三淨土也。

※今極樂世界，稱淨土者，正指「凡聖同居土」一土。

※「橫具上三淨土」：以同居境淨故，真俗圓融，不可限量。諸上善人，俱會一處；佛在

同居，即寂光淨土；菩薩在同居，即實報淨土；聲聞在同居，即方便淨土。

○佛有三身，各論單複。

※此處但解佛有三身。身者：積聚之義。眾生積聚業障以為身，佛則不然。一、法身：積聚理法以為身，理法平等普遍，故法身遍一切處。二、報身：積聚智慧以為身，故報身惑淨智滿。三、應身：積聚機緣以為身，故機緣成熟，應時出世。

※法身單：指所證理性，即如如理。此理生佛同具，在聖不增，在凡不減。眾生迷此而輪

迴，諸佛證此而成道。報身單：指能證功德智慧，即如如智。始覺還源。惑淨智滿。以智慧為身。化身單：指所現相好色像，即具足三十二相，八十種好，莊嚴色像。色相皆佛從體起用之化身。又法身如月之體，報身如月之光，應身如月之影。眾生機感，如江中水，所謂千江有水千江月。然水不上昇，月不下降；但以眾生機感，故佛有以應現耳。

※複三身者，複謂重複，二種同一身故。

※法身複者：一、自性清淨法身：即眾生本源自性天真佛。人人本具，不假修成，生佛一如。此身通因徹果。二、離垢妙極法身：即如來修德究竟所成佛，離五住垢，斷盡煩惱，極三智妙，證得菩提。此身唯佛果方有。

※報身複者：一、自受用報身：即彌陀智德究竟，圓滿無上菩提；斷德究竟，永離二種生死。得菩提覺法之樂，涅槃寂靜之樂，以自受用，故名自受用報身。二、他受用報身：此從後得智所現。如來現起他受用，十地菩薩所被機。二乘有眼，不見報身剎塵相好。

※化身複者：一、示生化身者：謂諸佛觀眾生成佛機熟，示現八相成道也。二、應現化身者：應物示現之化身也。三、佛界化身者：謂眾生應見佛身得度者，佛則為現佛身也。四、隨類化身者，謂隨九界而示現。如觀音之三十二應，現同類身。

○雖辨單複三身，實非一非三，而三而一。不縱橫，不並別。離過絕非，不可思議。

※此段剷除情見，乃論性德。恐人不明理性，而生三一之情見，故破之曰：雖辨明單複三身，實際理地，究竟非一非三；又恐人執著非一非三，故又曰：而三而一。上句雙遮，下句雙照。合之，則正雙遮時，便雙照；正雙照時，便雙遮。圓融中道理性，超情離見。

※不縱橫，不並別者：謂佛之三身，如伊字之三點，如摩醯首羅天之三目。無前後曰：不縱，無分齊曰：不橫。說一而非並，言三而非別。離四句之過，絕百非之非，不可以心思口議。

※離四句，絕百非：每句都包含「正、反、雙亦、雙非」根本四句。按：字，不縱不橫，

不並不別。喻圓教不思議三德，不可說一，不可說三，非一非三，而三而一。離四句之過，絕百句之非，豈思議之所能及耶！離定三思議，離定一思議，離非三非一思議，離而三而一思議，此離四句也。百非者，依根本四句，每句各具四句，四四十六句；約三世，則有四十八句。再約已起、未起（理事），則有九十六句，加根本四句，則成百句。

○今云阿彌陀佛，正指同居土中，示生化身，仍復即報即法也。

※此段所云阿彌陀佛，乃論修德。正指在同居土中，示生之化身，以是同居土見故。猶恐眾生執非法非報，故又曰：即法即報也。原夫佛之三身，本不離不即。不離故，三身本一身。不即故，隨眾生機，各各所見不同也。佛之法身，喻如摩尼珠珠體，報身喻如珠光，應身喻如珠影，三身各不相離；雖不相離，不妨隨機所見不同。

○復次世界及佛，皆言有者，具四義。的標實境，令欣求故。：圓彰性具，令深證故。

※此重釋西方依正二有。世界及佛，皆言有者。二俱現有，非過去，非未來，具四悉檀之

義。悉者普也，檀者施也，以四益普施故。

一、的標實境，令欣求故：西方依正，現在實境，令眾生心生欣慕，求生彼國。此世界悉檀，令得歡喜也。

二、誠語指示，令專一故：釋迦及六方佛，以誠語指示，持名念佛法門，令得專一其心，淨念相繼故。此為人悉檀，令得生善益。

三、簡非乾城陽燄：簡者簡別，西方依正，二皆實有。乾城，即乾闥婆幻現之城市。曠野深山，多有之。及蜃樓海市等，皆妖氣所現。陽燄乃田間游氣，春晴伏地可見。遠看似水，近看則無。渴鹿逐陽燄，即錯認為水也。

※簡非權現曲示者：破李長者著《華嚴合論》，謂西方是佛權巧方便示現，委曲宛轉為小根所示。當知淨土一法，上上根不能越其閫。文殊普賢，尚須發願往生。

※簡非緣影虛妄者：非一般所誤認的六塵緣影虛妄之相。

※《成唯識論觀心要》卷八云：「又六塵緣影，祇是獨頭意識相分。」

※簡非保真偏但者：上破邪魔，此破權小。保真：小乘人所證的偏真涅槃。如《法華經》云：「我今為汝，保任此事，終不虛也。」偏：謂藏教之偏真。但：謂別教之但中。今西方依正二有，乃圓教圓中之妙有，故非偏非但也。此對治悉檀，令得滅惡益。

四、圓彰性具，令深證故：即圓彰西方依正二報，乃自性本具。雖過西方十萬億剎之外，不出唯心。即無邊剎土，自他不隔於毫端。令悟唯心淨土，自性彌陀，而得深證受用。此第一義悉檀，令得入理益。

○今現在說法者，簡上依正二有，非過去已滅，未來未成。：親觀聽法，速成正覺也。

※《阿彌陀經疏鈔》卷二：云：「釋迦未出世前，彌陀亦現在說法。釋迦既滅度後，彌陀亦現在說法，乃至今日，猶云現在。以釋迦說法，止於四十九年。：未若彌陀說法，至為久遠，諸佛莫及。是故不唯今日猶名現在，後後無盡，皆可名為現在說法也。」